

Ո Ր Ո Շ ՈՒ Մ

Ճանապարհային ոստիկանության վարչական տույժ նշանակելու մասին 12.02.2024թ. թիվ 2417902676 որոշումն անփոփոխ, իսկ վարչական բողոքն առանց բավարարման թողնելու մասին

<<27>> 02 2024թ. 24-5- 1868

ք.Երևան

Ճանապարհային ոստիկանության պետ, ոստիկանության գնդապետ Ն.Սարգսյանս, վերանայելով Տիգրան Սաղաթելյանի ՄԴ/17930-24 դիմումի քննարկման արդյունքում ստեղծված նյութերը՝

Պ Ա Ր Զ Ե Ց Ի

Քաղաքացի Տիգրան Սաղաթելյանը (հասցե՝ ք.Երևան, Հալաբյան 31/2, **ծանուցման էլ. հասցե՝ tikmarshal@gmail.com**) դիմումով խնդրել է բեկանել վարչական տույժ նշանակելու մասին 12.02.2024թ. թիվ 2417902676 որոշումը՝ նշելով, որ նշված վայրից մուտք է գործել բնակության վայր՝ վկայակոչելով մի շարք օրենքներ և հանգամանքներ:

Դիմումի քննարկման արդյունքում պարզվել է, որ Ճանապարհային ոստիկանության վարչական տույժ նշանակելու մասին 12.02.2024թ. թիվ 2417902676 որոշումը ենթակա է կատարման հետևյալ պատճառաբանությամբ.

«Կառավարության <<Հայաստանի Հանրապետության ճանապարհային երթևեկության կանոնները և տրանսպորտային միջոցների շահագործումն արգելող անսարքությունների ու պայմանների ցանկը հաստատելու մասին>> 28.06.2007թ. թիվ 955-Ն որոշման հորիզոնական գծանշումներ բաժնի 1.1՝ <<Հոծ գիծ>> գծանշումը բաժանում է հանդիպակաց ուղղությունների տրանսպորտային հոսքերը (առանցքային գիծ), նշում ճանապարհի վտանգավոր վայրերում երթևեկության գոտիների սահմանները և ցույց տալիս երթևեկելի մասի սահմանները, ուր մուտքն արգելված է, ցույց է տալիս տրանսպորտային միջոցների կայանման տեղերի սահմանները:

Վարչական իրավախախտումների վերաբերյալ ՀՀ օրենսգրքի 124-րդ հոդվածի 2-րդ մասի համաձայն՝ տրանսպորտային միջոցների երթևեկության հակադիր հոսքերն իրարից բաժանող գծանշումների պահանջները չկատարելը՝ առաջացնում է տուգանքի նշանակում՝ սահմանված նվազագույն աշխատավարձի տասնապատիկի չափով, տուգանային միավորի կիրառում՝ 1 միավոր:

Վարչական իրավախախտումների վերաբերյալ ՀՀ օրենսգրքի 124-րդ հոդվածի 37-րդ մասի համաձայն՝ «Կանգ-գիծ» գծանշման պահանջները չկատարելու համար սույն հոդվածի 1-ին մասով, ինչպես նաև տրանսպորտային միջոցների երթևեկության հակադիր հոսքերն իրարից բաժանող գծանշումների պահանջները չկատարելու համար սույն հոդվածի 2-րդ մասով նախատեսված վարչական իրավախախտումն ունի նվազ նշանակություն այն դեպքում, երբ տրանսպորտային միջոցի անիվներից ոչ մեկն ամբողջությամբ չի հատել գծանշումը, և դրա հետևանքով երթևեկության մյուս մասնակիցների համար խոչընդոտ կամ վթարային իրադրություն առաջացնելու ակնհայտ վտանգ չի ստեղծվել, ինչպես նաև այն դեպքում, երբ իրավախախտումն անխուսափելիորեն կատարվել է երթևեկության այլ մասնակցի գործողության կամ անգործության պատճառով:

Ճանապարհային ոստիկանության վարչական տույժ նշանակելու մասին 12.02.2024թ. թիվ 2417902676 որոշման մաս կազմող իրավախախտման տեսանյութը հստակ ապացուցում է ինչպես 1.1՝ հանդիպակաց (հակադիր) հոսքերն իրարից բաժանող գծանշման առկայությունը, այնպես էլ դիմումատուի կողմից 03.02.2024թ. ժամը 17:47-ին Երևան քաղաքի Խաչատրյան–Փափազյան փողոցների խաչմերուկի հատվածում ավտոմոբիլի չորս անիվներով ամբողջությամբ հատելու փաստը, **ինչն անխուսափելիորեն չի կատարվել երթևեկության այլ մասնակցի գործողության կամ անգործության պատճառով:**

Ինչ վերաբերում է տեսանյութի առկա չլինելուն դիմումատուի պնդմանը, ապա հարկ է նշել, որ վերը նշված որոշմանը կից տեսանյութերը տեղադրված են ՀՀ ոստիկանության համացանցային (police.am) կայքէջում հասանելի են և հստակ, ինչպես նաև տեսանյութերի հետ կապված որևէ խնդիր չի հայտնաբերվել, հետևաբար տեսանյութերը դիտելու անհնարինությունը կարող է կապված լինել դիմումատուի համակարգչի ծրագրային ապահովման հետ:

Ելնելով վերոգրյալից և ղեկավարվելով Վարչական իրավախախտումների վերաբերյալ ՀՀ օրենսգրքի 293-րդ հոդվածի 1-ին մասի 1-ին կետով՝

Ո Ր Ո Շ Ե Ց Ի

1. Ճանապարհային ոստիկանության վարչական տույժ նշանակելու մասին 12.02.2024թ. թիվ 2417902676 որոշումը թողնել անփոփոխ, իսկ վարչական բողոքն առանց բավարարման.
2. Սույն որոշումն ուժի մեջ է մտնում հանձնելու օրվան հաջորդող օրը և կարող է բողոքարկվել ՀՀ վարչական դատարան՝ օրենքով սահմանված կարգով և ժամկետներում.
3. Սույն որոշման օրինակն ուղարկել Տիգրան Սաղաթեյանին:

Կատարող Ա.Մարգարյան
Հեռ. 060838402

